


181672

地815
913



豫西行軍道里記

署 葉仁寫

豫西行軍道里記

東祥慶書端

民國三年一月上的
石印於管城軍旅

甲寅夏六月狼匪竄擾秦豫僕奉

令帶隊堵勦環歷豫西邊境羣山萬壑盤折紆回附萬攀籐
幾同蜀道憶自早歲從戎幾歷十數省足跡所徑從未若是艱
險幸仗

大元帥德威各師旅用命渠魁授首餘匪次第蕩平地方賴
以安謐溯自出征半載僕之道途愧無表見故行軍紀述致
付缺如迨調回鄭防從事訓練適幕中記室潘生以所著豫
西行軍道里記進披閱一於吾軍當日經歷事實已得其大
凡茲因從征官佐付印成帙以作紀念聊綴數語弁諸簡端藉
誌一時之鴻爪云爾

民國四年三月彭城徐占鳳儀庭氏識

古人游覽山川景物類有紀述傳之於世豈徒聘文辭而已
哉蓋以親歷之事蹟述後來之津梁共志尚矣潘君
仰由吳門名宿也於甲寅六月隨洞山統領徐公出防
豫西一帶凡六閱月比時六月徂征正值暑雨夫天關河
之險阻嶺路之崎嶇涉水盤山有歷艱險方之蜀道難
行殆有甚焉而公殊不以跋涉為勞凡足跡所經山河
閭閻賸蹟殘碑下述一邱一壑風土人情固不遑筆

紀載貯入奚囊俾而緝之成豫西列軍道里記一事僕
乞閱一週紀第紀載精詳歷之如繪且併地理歷史融
洽一爐尤為留心掌故者足資考鏡同人懶德愚付梓
以誌紀念高之德尺璧以不堪曰世辭之僕竊以自論執
交通世標便利中西人士旅行著述美不勝收但每
於名都巨邑通商巨埠載之甚詳述之俯壤遐鄉
大率略而不詳此雖於紀載之詳畧殆窮出假

遠行遠遊難有以限之年今公奉北游之志願出候
戎幕環歷豫西全境遠徵往蹟以見開基之於
書棠而成帙予前人之未言資後人之鄉導裨
益時局宜地淺鮮豈第為吾輩豫西漢征紀念已
哉善哉梨棗以餉耆老誰曰地宜諒閱是予耆老或
不以僕言為謬也昔氏國四年二月丙乙卯上元日
樊輿劉善潤而宣氏叙於鄭州坊次

題吳門潘君仰由豫西行軍道里記印本上元燈稿

東坡值華西陽終俎吳生寶錄武子兵書雖各行其是
豈同道殊途他如循山渡水若非聯步相趨以優將自得
稱風雅情腴極況愈下尤覺糊塗所以聖益聖者益益
且材不材也觚不觚又何怪今日之抗塵走俗終不解當
時之持箬攜輿即如下走已老吹箏不白如之何敢云在芥乎如
君所記示我編摩其腔題裝飾即其實不虛考其時自
及而秋佐以運籌豈僅過南陽而曠懷丞相歷之境

由豫而秦盤行曲抄五步俟直筆而再甲董振可以作臥
游圖可以為記事珠可以免烈士辭符可以作元戎拔壺
可以導並駕齊驅可以定先馬後車且以石印告成公諸同
好故補於行然綴用副不孤藉以誌後者已領庶幾乎
相逢匪疏

乙卯人日桐城東祥慶能相益書於管城司令部

甲寅仲夏佐戎豫西鄭州第二師備補軍統領徐公儀庭
幕次適逢 令甫赴秦豫邊陲堵勦白匪濟署逼人兼程
前進戎馬倥傯夜宿未嘗載而豫西全境環走殆
遍孔徑過道鄉村莊以及山河瀕隘公作之暇隨時略記以備
考蓋日久愈記愈多滿紙糊塗莫能辨視藏之舊牘未敢
出以示人恐成笑柄回鄴後檢點行篋係為同人所見謬蒙許
可勸付剞劂自愧鄙俚既不甘以覆瓿亦不覺摩挲者久
之近以出防同事諸公展轉謄抄輒多亥豕辛羊之誤茲
徑留守諸君子促付石印俾戎次諸君各執一冊以為異日考
據用副雅懷故特錄出願諸統計對君兩宣其可否夫
以簡陋其大寡而淺見漫故出此獻醜貽誚在所難免
是為誌

民國四年二月即乙卯新表仲由氏說

豫西行軍道里記

古吳潘遵轍仰由著

浙東葉仁寓星藜

審定

樊輿劉普潤雨宣



民國三年六月奉令開赴豫西朱陽富水等關堵勦白匪隨 統領
徐公率步隊三營暨馬砲隊各一連於十九日由鄭登汽車下午兩鐘
鼓輪西向道經鐵鑪站滎陽縣汜水縣鞏縣偃師縣義井鋪沿途
土嶺重疊鄉民多居土窰車穿石洞十一處六鐘半抵洛陽宿車
上天忽大風黃沙淤漫沿東北城外墻由東門入街市尚好惟未
達隅首天即昏黑在道南景陽樓飯館遇劉君三峯雅意殷殷邀
入便酌暢談移時飯後由舊路回車

二十日由洛開車時已申初一路小雨淋漓道經新安承縣知事曾與步
二營營長張率隊在車站迎迓數語寒暄起即發軔過鉄門雨仍未止
到澠池縣天已晚十鐘半矣大雨通宵車篷多漏殊悶損也

二十一日因車輛未齊守候一日道途泥濘未及入城一遊且天仍
小雨時落時歇晚在車站附近遠眺旋回車宿耳

二十二日由澠池換乘轎車早七點起程十八里至平泉又十二里

至藕池時已三點就此打尖該處是日雖屬逢集然食物賣缺僅吃乾饅饅一個道旁有送子觀音廟一座重修未竣殿下稍歇趕即登程行二十里晚宿河隈買大餅二張並切擾房主米粥

二十三日由河隈六點動身途遇大雨一陣滿途泥水十一點至成城寨僅行八里打尖後十五里至坡頭雨師又至行李盡濕在居戶門洞稍避買鷄蛋十枚煮而食之是日土嶺重重澗溝幽深帶泥拖水車輛屢翻行路滯遲勉走十五里晚宿三鄉鎮時已六點幸購厚餅二個聊以充飢天氣炎熱蚊蠅擾人夜不安眠坐以待旦

二十四日由三鄉鎮起行查該處附近群山圍繞澗溪盤曲沿嶺居民或峯頭築寨或山坳穴居土厚人稀不成村落經余莊鎮計二十里在此稍歇又行十里即抵永寧城矣天未及午借住捕廳舊署是晚該縣連知事送統憲筵席一桌分惠同人得以大嚼並悉前途西向山川間隔車不能行非換抬夫騾馱不能前進紛紛籌備入山之具人皆英氣勃勃整備登臨也

二十五日在永寧落程一天候集夫騾因數未湊齊以驢代之是日皆物色裹腿鞋絆草帽等物準備征進該城四面竹園圍繞製器

頗佳聞由此向東均係平坦大道距洛陽僅一百八十里也惜奉
令由澠池繞越而來勞力傷財又耽延日程甚不合算耳

二十六日由永寧八點首途拱衛前進沿路特特之聲頗有趣味惜
驢齒過老步力太遲然上下嶺坡尚稱穩重亦不無可取加以大
隊前進軍容整齊荷槍佩彈魚貫而行鎗重居中延長十餘里驟鳴
馬蕭浩浩蕩蕩氣象頗為嚴肅行二十五里至馬店打尖經小
街西寨又行三十五里至長水鎮天甫申初高山前阻就此宿歇
途奉豫督電令秦省匪潰兩股東竄多半改裝散漫潛逃飭令沿
邊加意盤查優加賞賚如獲白狼賞洋十萬其餘重要匪黨獲者
亦膺懋賞也

二十七日由東長水動身行五里抵西長水渡洛即登雙窰嶺又名
雙窰閣層巒疊嶺怪石崢嶸勉力扳登崎嶇萬分六越山峰兩渡
洛水炎天烈日跋涉維艱不惟人力未逮即牲畜經此滿路卵石
蹄難着力過高明崗半依峻嶺半臨澗濠氣概雄壯萬山滯迴真
天然險峻之地也經下峪河東又行五十五里渡洛即宿故縣莊
內該處居民早經逃避蕭條萬狀所有隨帶馱夫抬夫無處購食

其困憊飢餒之狀苦不可言

二十八日由故縣早五鐘進發緊靠山麓高峰冲霄陡如壁立羊腸小徑盤曲而登俗即所謂十八盤也是日驕陽棲嶺分外炎威萬里無雲揮汗如雨蹠蹠而上喘息難安越嶺三道始抵觀音閣亦屬三關之一拾級登臨製作休息極目周圍亂峰環抱嶺高澗深除此莫渡直雄關也沿途兵士多受暑氣或仰卧岩下或蜷伏溪邊而抬夫等困難之狀更不待言下嶺渡洛午抵范蠡鎮計程三十里飯後又渡洛河綜計兩日所謂九嶺十八坡三關四洛河至

此已歷盡矣革履磨穿手足爆裂筋疲力盡倍極艱辛清夜自思為有生以來未經之苦 統憲云足履數省歷遊口北各處經驗亦從未見此險峻之路也跋涉之艱幾同蜀道無怪昔人歌行略難耳前往三十里抵盧氏縣時已七鐘借寓忠義成京貨鋪鋪夥傅姓洛陽縣人性情樸實頗承優待

二十九日落雨一天未能出門寂寞萬分聞該處山中產猴頭索閱其形果如猴象質類口麝產之山中大樹性分陰陽隔山而生遙遙相對真奇珍也並云木耳亦產此處欲生此物須先將花梨樹

本砍漚水中約浸一年取置木架每逢雨後耳即叢生惜未一親見之

三十日因縣署車未備齊又落程一天午後赴街市一遊山城斗大滿月荒涼流覽一週毫無趣味途遇程子衡先生云與楊君仲雲同寓重茂當店留守此處不再前進遂結伴造訪坐談許久趕即折回夜又大雨前途又必泥淖難行也悵何如之

七月一日早八鐘由盧出發旋即渡河小雨淋漓時落時止經青山嶺上下十里過七村街越老澗嶺上下路程倍之冒雨而登晚八點始宿瓦穴子又行五十里也一路雙峰對峙壁立千仞雲出山頭泉流石上人行澗底不見陽光馬越峯巔蹄滑堪虞棧石塞滿溝渠溪流縱橫界道東繞西越無可插足驟馬脫掌屢屢顛躓詢之抬夫云二十五里猴跳園即此處也是日越嶺兩道懸崖峭壁高出重霄羊徑斜倚寬不容足跣步所至時生戒心兼之晚霧濛濛夕陽西下真所謂山從人面起雲向馬頭生拄杖而行志忑實甚幸承 統憲是日代僱山兜一箇時步時乘藉抒筋力否則疲憊不堪矣下嶺覓宿僅有驢店三座計二十餘人同住一屋鋪草而

卧穢氣熏人時方雨後山風颼颼感受夜寒鼻涕不止奈何奈何
初二日由瓦穴子起程天甫七點渾身酸懶鼻流清涕斜倚兜中倍
常倦怠經魚潭溝口仍復峻嶺崇山連雲屹峙泉聲盈耳瀑布飛
流古洞遙瞻樹林陰翳峰巒綿亘儼如一石間有岫山數座加雜
其中草木不生光滑如洗望之如牛山濯濯也水流潺潺行程頻
阻褰裳涉足衣履盡濕詢之土人方知此即四十五里脚不乾也
兵士草履棄置滿途下衣沾濡恍入澤國計行四十里在五里川
打尖從此又轉向東行三十里即朱陽關矣是夕六鐘入關居民
避避貿易閉門食物一切無處購買若不設法籌備將有在陳之
虞查該關聳立山口住戶無多前臨大溪羣峰環繞惟關前探有
山徑兩道可以度越而入當已派兵駐守並電奉豫督擬向魯汝
一帶跟踪追剿候令前進現在行止莫定祇好靜以俟之

以上所述略記大概困難之狀筆難形容所謂自己辛苦自己知不足為外人道也
拉雜書此留証後之末者

在朱陽關駐防七日操演爬山又奉電令開赴西坪旋即就道矣

七月初十日由朱陽關早七點開拔策蹇而行十五里至黃沙嶺雙
峰夾峙人行澗中觸目皆山林壑甚美又十里至賽嶺亂石巉巖

峻峰聳立巖烟縈結山帶盤迴樞樓而登筋疲力衰加以酷暑非
成災尤流燂汗流似水渴不得漿伏飲溪泉急何能擇艱苦之狀
一言難盡又二十五里至爛泥湖大隊在此打尖因沿溝而行未
入莊內又行五里抵接道溝向住戶購麥飯二碗吃饅饅半箇遂
赴莊頭火神廟稍歇住持殷勤供茶煩暑暑消院內有紫荆樹一
顆枝幹潔白光消無皮又杜仲樹一顆俗名絲棉樹葉尖而長皮
即杜仲谷深林密樹木千章坐談許久待隊同行又十五里宿寨
根時甫申初承寨王潘姓留飯道及該處山內多藏野猪百十成
群異常兇猛山中產漆該猪渾身石子泥沙漆黏甚厚且力量頗
大碗口樹身口能咬斷野獸甚多夜夜防範環堵皆山層巒疊翠
蟬聲萬樹濃綠千層滿山藥材菁蔥可愛計自朱陽關至此六十
里過河五道深者至臍道路坎坷備極勞憊耳
十一日由寨根早八點動身行十五里至李樹嘴吃雞子數枚是日
仍火繖當空炎威逼人又三十五里至靈官壩在鎮武廟稍息又
十里至黑桃樹據飯鋪人云白狼與宋老年前數日在此經過宋
匪受傷聞朱陽關已來軍隊趕即折回由此翻山而遁勢甚狼狽

衣履不全匪眾不過十人惜與我軍相隔不及百里未能擒渠殊憾事耳該處山根有龍骨一尾其白如粉挖取數斤攜之以歸行五里至花園關街市整齊家家閉戶又行五里抵西坪鎮天甫過午是日計行七十里即在街中屯紮矣

查西坪寨牆殘缺圩門不整該處三經匪氣生意閉歇十室九空飲食困難達於極點時逢溽暑濕熱煙蒸雷交馳日無寧息駐紮二十日又奉令開赴南召矣

三十一日早五鐘乘小兜由西坪鎮拔隊向東前進因夜間大雨泥淖難行沿山麓走去溪流激湍涓涓不息行十二里至迴馬溝始行出澗又三里至黃家河陰雲四布小雨濛濛又三里至官路溝

雨勢又大道旁暫避又四里至漫里營雨稍止又八里至八廟打尖無物可買遇住戶婉商始做麵條二斤食未竣雨又浙澁有聲矣行二十里至重陽店天甫未刻宿清鄉局內適該莊演戲酬神行頭襍響聲色俱劣腔名越調全班不過十數人正演大審王堂春詞句鄙俚醜態倍逞殊可笑也

八月一號由重陽店起身鐘鳴六點天仍落雨十里至上半川下半川又三里至麻灣沿途村莊多被焚燒焦垣頽壁目不忍觀又七里至汀河店莊東靠山下臨大河人沿邊山而越崎嶇狹隘宛如

鳥道足不能容加之雨後石滑偏欹尤甚稍一失神勢必墜河甫
旬而過兢惕時深雖泥塗滿手幸獲平安冒雨趨程行李盡濕又
行七里至魁門關三里至石橋五里至白廟又五里至黃獅店十
里至靈官崖大雨如注渾身衣濕形如水難不得已入道旁小舖
暫避滿屋難民擁擠幾無容足之地日將平西不便久留又行十
里抵丁河正值連日大雨河水陡漲波濤澎湃洶湧異常雨急浪
高流如奔馬水深及胸又無度船于河岸汪洋興嗟幸軍中有
善泅者數人幫同抬夫七八名扛兜而涉得免其魚之嘆而老鸛
河近在咫尺波浪滔天瞬息之間又漲尺餘幸渡船已到而溜勢
過急攏岸匪易徘徊河水已沾足背負登舟得渡彼岸否則幾
占滅頂矣下船里餘即抵西峽口天已日暮不唯衣履盡濕而行
囊被褥均亦透水是夜危坐通宵煩悶已極痛定思痛險不可言
該處兩寨相聯南北分立商民富庶為鄂境老河口往來通衢防
衛頗嚴槍炮充足有木殼大噴鐵炮一尊能容土藥六十餘斤響
震百里匪首孫玉章前曾在此圍攻三日未能得手畏此大炮旋
即退去守禦得法概可想見

初二日由西峽口早五點起行換乘雙轆獨桿小輪水牛車黑雲勃
 勃風雨瀟瀟三步一搖兩步一擺馬背不如牛穩非此語信然沿途
 順河前進行東就西往返涉水三十里至屈原岡天已過午腹餒
 腸鳴飲食皆無挨戶搜求苦無所得幸過後哨伙夫帶有麥麩數
 斤膏勻兩碗煮以充飢而雷雨如絲仍未稍止泥水滿途屢逢漩
 車輪叠陷進行太遲僅行十里至七峪天已昏黑路遙莫辨遂覓
 鄉導指引迷途是日前隊去遠後衛及砲隊均已落程祇剩牛車
 兩輛獨行踽踽驚恐殊深入行十里始至丹水鎮天已三更後矣
 住草棚兩間飢極火生食不下咽簷溜如注滿屋滲漏夜不安眠
 行路之難領畧殆盡矣

初三日由丹水黎明起程鑽入河套左右盤旋未離河身兼之駕車水牛
 每逢涉水必卧中央無論如何鞭策非浸潤片時不能起立勢出
 無奈各車夫分投鄰近庄村物色耕牛藉資挽助是日過河約二
 十餘次迂折縈迴未出河套天已日夕僅行三十里至趙店滿擬
 入寨覓食無如汪洋一片漩渦甚深前車已陷數輛豈能再蹈
 覆轍不得已又轉赴寨北繞越前行意至一日從未入莊水米亦

未粘唇忍飢揚鞭踉蹌就道心急如焚呼願無門夜行二十里始抵內鄉急趨入城天已夜半矣連日履危蹈險沐雨櫛風艱辛備歷日不兩餐命也如斯夫復何言

初四日由內鄉登程復換桑山兜圍東關瀕臨大河軍隊過渡未能遠行十三里至祖師殿又七里至灌莊鋪打尖是日逢集食物尚多惟久雨初晴炎威又熾幸沿途瓜菓不缺藉以稍解煩渴又行三十里宿朝北鎮

初五日由朝北鎮起程紅日將升行二十五里即抵鎮平城市蕭疏鋪面無多假廡大學堂內所有行裝逐件晾晒衣衫染紅紙張濕透毀壞多物殊為可惜當將被褥連夜拆洗而其中棉絮已傷損大半矣

初六日早二點由鎮平出發換乘轎車深夜行軍倍常迅速行五十里至大榆樹入二十里至梁窪天始黎明又五里至王村鋪又三十里至南陽府時未及午惜距卧龍岡僅五六里未能抽身一觀聞府城南門街市熱鬧祇以公事羈絆又未能一遊殆至上燈赴街而各鋪業多閉門以大錢四百買布鞋一隻悵然而返

初七日早六點由南陽首途折向北行道經獨山該處出南陽石沿
路擺攤售賣烟嘴手鐲等物質料甚粗殊無可取行三十八里至
蒲扇店路尚坦平又行十二里至大石橋打尖又十里抵胡桃園
人名彭家寨在寨主彭韻亭外廳宿歇寨主殷勤款待饋饌頗佳
所有軍隊一体待飯該寨主前曾有地千頃現雖中落仍不失為富
家翁其先人吉菴公曾任實缺道員致任後修橋補路惠周鄉閭
其後人克承先志見義勇為沿途題碑致頌至今猶有彭善人家
之稱是夜天又大雨豈被蒼有意困行人耶胡為乎雨師日日追

從耳

初八日白胡桃園早六點動身檐溜不止冒雨馳驅行二十五里至
曹店旋抵白河僅有小渡船一隻雨後水漲溜勢甚急或渡或涉
水深及膝大車入水淹沒車箱行李又復浸濕實深焦急過河數里
穿入山經岡陵起伏凸凹不平斜倚車中風雨撲面輪蹄僕僕揚
鞭疾驅適遇敵軍馬奔赴南陽拍電者道及白狼已於月之五日
在魯境之石村被毅嵩各軍搜獲以致連日鼓勇不分雨夜踴躍
進剿之忱更無稍懈又四十五里抵南召縣矣駐紮東關天甫申

刻也

查南召駐防二十六天督催清鄉搜捕餘孽軍書旁午手不停揮屋小人多暑
熱又盛城門咫尺竟未得入城一適鎮日崇壇埋頭可見鉛刀之鈍也月杪又奉
電令調駐魯山準備行李遂又就道

九月三日早兩鐘開拔帶一營兩哨砲隊一連行二十里至鐵牛廟
是夜陰雲四布四顧瞑然目無所覩惟數越小河及陵崖多處墮
驢一次幸未受傷又行十里至鴉路口該處萬山聳處縱橫溪流
奇峰怪石倍極嵯峨尤可奇者該處山石團團大小不等層疊堆
積狀如壘卵環顧週圍幾於無石不圓俗呼此處為饅饅山并謠

傳先武中興屯兵於此軍中缺糧百神效靈石忽化饅饅兵追至
饅又化石追兵憤極用足力踢至今道旁一石猶有脚印驗之頗
像雖屬齊東野語聞之甚為解頤特以附記又行十里抵交口打
尖飯後就道山色迎人峰巒圍繞宛若屏風樹林陰翳蔚然深秀
沿行山麓道路偏陂加以小溪屢阻約有數十行三十五里至灤
水寨稍息因起身過早兼之兩夜失眠疲倦已極席地而卧瞬入
睡鄉片時夢回疾驅就道又行五里濱臨大河寬約五里幸河流
不深騎驢而過又行五里即抵魯山城矣駐紮西關天甫申初據

土人云由召至魯共計大小河溝七十二道若遇大雨連綿山水漲發波浪滾滾跋涉尤難也

在魯山駐紮五十一天該處城西北娘娘山一帶為白匪老巢山勢險峻澗谷幽深巨惡雖已授首餘孽尚未盡鋤鎮日派探偵察入山搜勦並撥隊四出扼要分紮藉資鎮懾無如東逐西奔時伏時現幸擒獲積匪多名會縣審明即斃槍下地方賴以稍安各社紳商情深愛戴恭製萬民旗傘預辭再再堅執不從於十月二十二日經各社紳冒雨專誠殷勤致送五色燦爛鼓樂聲喧意頗懇摯不意漏網桿匪丁保成宿怨已深疾視報復適步八營移住娘娘山附近之倉頭村冀作進攻之舉甫經抵防部署未定匪伏遽起猝不及防四圍焚燒槍彈如雨匪眾約三百人雖當場斃匪三十餘名我軍亦稍為失利計傷亡哨官長三員兵士十餘名次日率隊追擊四面圍攻匪勢窮蹙遂逼至娘娘山麓繳械投降計二十餘名祇以憲章攸關不得不從寬受撫給予執照歸農嗣正搜索逸匪忽奉電令以許昌第八師調保訓練所遺防地令歸我軍接替遂又整飭行裝集合所部向許進發矣

十一月二十五日早六鐘由魯山率隊開拔小雨濛濛乘坐轎車經五里堡行十五里至渠店又五里至辛集沿途亂石堆積崎嶇難行過漫柳馬店紅石關越士崗四道該處石色皆紅層疊而生狀如蒸餅計又行二十里抵寶豐縣矣天甫酉初雨仍未止在縣署東花廳宿歇承該縣知事王君殷勤款待饋饌頗佳公賞伺厨酒資四元聊伸謝悃

二十六日早七鐘由寶豐起程大霧瀰漫寒氣侵人二十里至大石橋沿寨外而行又五里渡汝河水不甚深驅車而過行十五里至

邳縣在東關小飯館打尖城市蕭疏殊無可觀行二十里至東岩
 又十里塚頭鎮該處兩寨對立中隔大河當在東寨位宿街市舊
 有樓房鱗次櫛比惜生意蕭條民情凋敝據土人云前清道光年
 間該處多產紅花交易繁盛嗣又多種罌粟商販雲屯亦頗興旺
 近因禁令森嚴遂致一敗塗地矣

二十七日即陰曆甲寅重陽節早八鐘動身行二十五里至王洛街
 打尖天又落雨北風甚寒自疏而密由緩而急又二十五里抵潁
 橋鎮在社紳馬漢卿藥舖宿歇殺雞為黍相待甚殷該寨西門內

有潁考叔大墳一塚墓前立有專祠裝塑神像全面長鬚惟廟宇
 不整多年失修並聞北圩門外有黃泉碑一座云即昔日鄭莊公
 掘地見母處也因滿街泥水風雨瀟瀟未能往觀也

二十八日早八鐘由潁橋首途天始晴霽車鄰馬蕭極力前進行四
 十里至灞陵橋俗呼為八里橋橋西偏北有關帝廟宇一座中型
 聖帝戎裝跨馬挑袍之像旁有許褚張遼徐晃等站像或隻手擎
 袍或鞠躬晉酒或捧盤獻金神色不一貌頗恭謹身後魏武乘騎
 遠立傘蓋之下遂作揚鞭仰視之概而二位皇娘及使女一名乘

作馬車遙遙傳立遍瞻各像惟聖帝氣像嚴威斜坐雕鞍携刀勒
 馬探身向左怒目疾視顧盼自雄生氣勃勃凜然可畏餘均平常
 後殿及西偏各院花木叢雜尚稱幽雅而桂樹頗大藤蘿蔓延綠
 樹陰濃亦尚可觀又八里即抵許昌城矣天將日午因第八師隊
 伍陸續開拔尚未全行開盡本軍入城後權駐考院次日遷入州
 佐舊署廨宇雖坍塌不整而花廳書齋尚屬完全階內臘梅滿院
 含苞欲吐冬青挺秀翠色挹人頗稱清雅入署後派探四出緝匪
 多名均置重典地方賴以安謐惟城內道路坎坷多年失修每逢

陰雨連朝滿途積潦穢氣薰人經 統領捐資倡修馬路以利通
 行善政孔彰士民感頌承官學紳商各界勒建貞珉以誌遺愛查
 該城為古魏舊都南門東偏文廟附近有神勇廟額曰大節凜然
 內有春秋樓一座三國關公秉燭達旦侍甘糜二夫人處院左建
 有問安亭及甘糜二后肖像相傳一宅分兩院即此處也殿前碑
 石林立並有公辭曹操書勒石書云竊以日在天之上心在人
 內日在天之上普照萬方心在人之內以表丹誠丹誠者信義也
 其受降之日有言曰主亡則輔主存則歸新受曹公之寵顧久蒙

劉主之恩光丞相新恩劉公舊義恩有所報義無所斷今主之耗某
已知望形立相覓迹求功刺顏良於白馬誅文丑於南坡丞相厚
恩滿有所報每留所錫之資盡在府庫封緘伏望台慈俯垂照鑒復查
該縣護城河多種蓮茨夏日紅蕖綠水掩映城郭俗稱西湖為縣城
十景之一駐防月餘又復奉令開回鄭州遂於十二月二十號拔隊
日夕抵鄭承該州官學紳高各界在車站鳴鞭迎迓歡聲雷動舊
地重游其樂何極溯自六月間由鄭出發計拔隊六次無次不
雨雨必連綿豈造化小兒有意作弄耶否何如斯之巧乎綜計出
鄭返許將閱五月跋涉於山川險阻之地馳驅於烈日炎天之中
宿霧餐風擔驚受餒其勞憊之狀艱苦之情有口不能言筆莫能
述者迴憶自問世以來遨遊數省年年作客歲歲奔馳車塵馬迹水
陸迭行今已年屆知非艱辛備歷然從未有今夏從戎勒匪一役
若是困難也天實為之謂之何哉靜坐追思恍如夢寐因將所過
村莊路程一一書之聊誌鴻爪遂取名豫西行軍道里記

